

NY TENY FIANANA

Hotahina izay olona matoky an'i Jehovah, dia izay manana an'i Jehovah ho tokiny.

Jeremia 17:7

BAREA SY "LES FAUVES DU CENTRAFRIQUE"

Nitombona ny voalazan'ny mpanazatra Raoul

Nitombona tanteraka ny voalazan'ny mpanazatr'ny ekipam-pirenen'i Centrafrique, Raoul Savoy, tamin'ny valandresaka nialohan'ny lalao nifanandrin'anekipa notarhany tamin'ny Barea tetsy Mahamasina tamin'ny alarobia 22 martsa lasa teo, fa tonga handresy ny ekipam-pirenenen Malagasy izy ireo amin'ireo lalao hifanandrinana miantoana (alakamisy 23 sy alatsinainy 27 martsa 2023) mba hahatafitany hiatrika ny CAN 2023 hatao any Côte d'Ivoire. Dia nandresy tokoa ny Barea ny "Les Fauves du



Ny ekipan'ny Barea an'i Madagasikara.

Centrafrique" tamin'ny lalao mandroso tamin'ny alakamisy teo tetsy amin'ny kianjan'i Mahamasina ary tamin'ny isa navesatra dia navesatra 3-0 be izao. Nahomby ny fanomanana matotra na-

taon'izy ireo noho ny lalan'ny ekipan'ny Barea tamin'ireny fifaninanana CAN 2022 tany Algérie ireny. Nibaribary kosa ny tsy nahafahan'ny mpilaon'ny Barea CAN nia-trika fampivondronana

niaraka ka hita ho tena tsy nirindra mihitsy ny fiaranhan'ireo mpilalao « expatriés » sy « locaux » tam'in'y lalao tamin'ny alakamisy ny ary dia tsy na-hagaga raha ireny ny vokatra azo. Eto angamba dia hindramina ny teny nataon'ny mpanazatra ny Barea Can, Nicolas Dupuis, ka hilazana hoe : "Na hotafita na tsia amin'ny fifaninanana CAN 2023 ny Barea dia tokony hoeritret-retin'ny mpitantana ny kitra Malagasy amin'izany ny handinihana ny aorianan'ny fialan'ity mpanazatra ity amin'ny volana septambra".

Rainilita

"Orange Pro-League 2022-2023"

Hisy hatrany ny lalao izay miditra amin'ny andro faha-11

Hisy hatrany ny lalao baolina kitra "Orange Pro-League 2022-2023" izay miditra amin'ny andro faha-11 amin'ity faran'ny herinandro ity na eo aza ny fiatrehan'ireo mpilalao sasantsany ny fanarahana ny ekipan'ny Barea de Madagascar any Cameroun hanatanteraka ny lalao miverina hifanandrinanan amin'i Centrafrique amin'ny alatsinainy 27 martsa 2023 ho avy izao. Mazava loatra fa ireo ekipa tsy ahitana mpikambana ao amin'ny Barea ankehitriny no hiatrika an'izany andro faha-11 izany. Fandaharan-dalao Von-drona "Conférence Nord" Sabotsy 25 martsa 2023, 14:30- Tffc # Uscafoot (kianka sentetika Ambohidratrimo), Alahady 26 martsa 2023, 14:30- Cosfa football sy ny Tia Kitra Fc (kianka sentetikan'i Mahitsy). Von-drona "Conférence Nord" Alahady 26 martsa 2023, 14:30-Dato Fc # Zanakala Fc (kianka sentetika Manakara), 14:30-3Fb Toliara # Mama Fc Ilakaka (kianka Maître Kira Andaboly).

Rainilita



Orange Pro-League 2022-2023.

Rugby « Championnat 1ère Division Dame 2023 »

Hanomboka anio sabotsy eny Andohatapenaka

Hanomboka anio sabotsy eny amin'ny kianja Makis eny Andohatapenaka ary ho bôjo fa tsy hisy vidimpidirana ny fifaninanana rugby vehivavy « Championnat 1ère Division Dame 2023 » eny izay hiakaran'ireo ekipana rugby vehivavy sangany

eto amintsika ankehitriny dia ny Scb Besarety sy Ftfa Antohomadinkika ary ny 3Fb fahasalamana sy ny Ftm Mankajaray. Fandaharan-dalao amin'izany : 13:00-Scb # Ftfa, 15:00-3Fb # Ftm. Tsiahivina kosa rahampitso alahady 26 martsa 2023, mbola

eny amin'ny kianja Makis Andohatapenaka hatrany, no hanarahana ny tohin'ny andro faha-2 eo amin'ny fifaninanana "Championnat de Madagascar Elite Fédérale" sokajy lehilahy ahitana ny fandaharan-dalao : 09:00-

Stm Savonnerie # Us Ikopa Andohatapenaka, 11:00-Tam Anosibe # XV Fa Ampasika, 13:00-Tfa Anatihazo # Fbm Bemasoandro, 15:00-3fb Fahasalamana # Ftba Andohatapenaka.

Rainilita



Rugby vehivavy Malagasy.


Championnat regional de Volley ball Analamanga

Hitohy eny Betongolo sy Soanierana anio

Hitohy Betongolo sy Soanierana anio sabotsy 25 martsa 2023 ny fifaninanana volley-ball « Championnat regional de Volley ball Analamanga » taona 2023 ka samy hahitana lalao miisa 3 tsirairay avy any amin'ireo toerana ireo anio. Fandaharan-dalao rehetra Kianja R3A Betongolo : 1°-MMRS # SANTE, 2°-APMF # MEDD, 3°-JUSTICE # MEF 1. Kianja CAPSAT Soanierana : 1°-MEAH # PRM, 2°-PAOMA # MJS, 3°-A.N # MEF 2.

Rainilita

Sakafo Ny Valosoa



Petit pois sy akoho indray, no laoka amin'ny Sakafo eto amin'ny gazetinao androany. Atao ridritra izany, na atao ketsaketsa ihany koa. Dia mazotoa homana tompoko.

NY VALOSOA sy Mahaso

Jus manala rarintsaina na stress

Jus manala rarintsaina na stress indray, no Mahaso eto amin'ny gazetinao androany. Zavatra ilaina: akondro, fraise ary poire. Mixer-na atao jus ireo, ny maraina vao mifoha iny no hisotroana azy.



NY VALOSOA sy Mahaliana

Ny tanànan'i Maroantsetra distrikan'i Maroantsetra faritra Analanjirofo

Ny tanànan'i Maroantsetra distrikan'i Maroantsetra faritra Analanjirofo indray, no Mahaliana eto amin'ny gazetinao androany. Renivohitry ny kaominina sy ny distrikan'i Maroantsetra ity tanàna ity, iray amin'ireo kaominina miisa 12 mandrafitra ny distrikan'i Maroantsetra. Iva toerana izy satria amoron-drano masina, 10 m ny haavony mohatra amin'ny ranomasina. Any Maroantsetra no mifarana ny lalampirenena faha-5 (RN5), miala avy any Toamasina, mandalo an'i Fenoarivo Atsinanana, Soanierana Ivongo, Mananara Avaratra, mepaka any Maroantsetra. Any avaratra atsinanan'ny faritra Analanjirofo no misy azy. Antimaroa ny mponina any an-toerana, saingy ahitana ny foko rehetra eto Madagasikara ihany koa any. Vokatra any ny jirofo, ny la-vanila, ny vary. Ny voankazo toy ny letchi, ny manga. Misy mpanjono koa ny mponin'i Maroantsetra. Manana seranam-piaramanidina ity tanàna ity.

